



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1595. usque ad annum 1600

**Fleury, Claude**

**August. Vind. [u.a.], 1773**

**VD18 90118677**

§. 6. Sententia in Molinæ librum a Censoribus pronuntiata.

---

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

Sæcul. XVI.  
A. C. 1598.

actum est de scientia Media, circa quam proferebantur propositiones, quibus Molina hujus scientiæ necessitatem stabilire conatus asseruit, quod res non sint in æternitate physice præsentis, nec scientia Dei sit futurorum causa: verum hanc in rem Censores damnatis septem Molinæ propositionibus deciderunt, *scilicet* *num vel etiam necessarium esse, stricte præcipi, ne deinceps hac de re aliter loqui, doceri, aut sentire liceat, quam juxta sanam, & antiquam Theologorum doctrinam, Patrum sententias, & usitatum sacre Scripturæ modum &c.* Denique die decima tertia mensis Martii hoc anno undecima habebatur Congregatio, in qua de quarto Molinianæ concordie principio, de divina scilicet prædestinatione ad gloriam post prævisa merita, actum est, decemque Molinæ propositiones hanc in rem proscriptæ. His igitur undecim Congregationibus absoluebatur primum examen, juxta quod duntaxat generali proscriptione Molinæ libri damnandi censebantur, nulla adhuc peculiari propositione per peculiarem censuram notata.

§. VI.

*Sententia in Molinæ librum a Censoribus pronuntiata.*

*Hist. Congr.*  
*l. c. Hist.*  
*Controv. l. 3.*  
*c. 3.*

Tandem doctissimi hi Censores nonnisi post maturas, ac repetitas sæpius totius



Sæcul. XVI.  
A.C. 1598.

totius causæ discussiones, resque prævie jamjam per integrum biennium digestas, de integra Molinæ concordia, ejusque principiis generatim, ut vocant, sequentem pronuntiarunt sententiam: *Cum sancti Augustini de gratuita prædestinatione doctrina a Patribus ad Patres quasi per manus tradita, ab Ecclesia non semel tantum, sed secundo, & tertio fuerit approbata, & hanc Molina contumeliose rejiciat, nec salva fide sustineri posse affirmet, atque omnia illa quatuor principia, ex quibus universam rationem conciliandi arbitrii libertatem cum gratiæ donis, præscientia, & prædestinatione deduxit, sint expresse contra S. Thomam, S. Augustinum, & ceteros Patres, multa etiam contineant, quæ haud obscure adversari videntur divinis Scripturis, & sacris Conciliis, aliqua etiam expresse tradita a Cassiano, & Fausto, contra quæ Augustinus, Prosper, Fulgentius, & Catholici Doctores fortiter sese opponentes, gloriose dimicarunt, salvo semper sanctæ Sedis Apostolicæ judicio, cui universa hæc a nobis scripta, & quoquo modo asserta religiose submittimus, censemus e re catholica esse, ut liber, qui inscribitur: Concordia liberi arbitrii cum Gratiæ Donis &c. compositus a Ludovico Molina, & ejusdem doctrina omnino prohibeatur, atque idem etiam censemus de Commentariis ejus in primam partem D. Thomæ,*



Sæcul. XVI.  
A.C. 1598.

quousque saltem a viris ad hoc munus deputatis expurgentur a novis opinionibus, quæ veterum Theologorum, potissimum vero S. Thomæ, & Patrum doctrinæ adversari videbuntur. Cum autem illis, qui causa cadunt, nihil magis solemne sit, quam omnem culpam in iudicium iniquitatem, aut ignorantiam, vel nimiam festinationem rejicere, ita etiam Molinæ fautores spargere haud dubitabant, clarissimos hosce viros, & Censores ab ipso summo Pontifice speciatim designatos, & propter exploratam ipsorum integritatem, atque eruditionem selectos, fuisse iniquo in Societatem animo, occultisque inimicitiis occupatos, nec satis doctos nimia velocitate suam sententiam pronuntiasse: attamen vanæ horum querelæ satis, superque fuerant confutatae.

§. VII.

*Pontificis mandatum de hoc negotio magis adhuc discutiendo.*

Solutis hisce primi examinis Conventibus Purpurati Censorum Præsides auctoritate Apostolica muniti Gregorio Coronello sacri confessus Secretario negotium dabant, ut omnia Molinianæ concordiae loca in hisce Conventibus notata sedulo colligeret, illorumque distinctum indicem hujus Collegii nomine